

Тез кунда халқимиз «Саҳиҳи Муслим» тўпламини ўқиш бахтига мушарраф бўладилар



16:00 / 09.03.2020 2540

Аллоҳ таолонинг хоҳиш марҳамати билан тез кунда ҳадис ихлосмандлари ва барча китобхонлар, улуғ муҳаддис Муслим ибн Ҳажжож раҳматуллоҳи алайҳ томонидан таълиф этилган «Саҳиҳи Муслим» тўпламининг биринчи жузини ўзбек тилида ўқиш бахтига мушарраф бўладилар.

«Саҳиҳи Муслим» имом Муслимнинг шоҳ асари, унинг илмий мақомини намоён қилган, шахсини бутун дунёга танитган ва асрлар оша номини сақлаб келаётган тўплам ҳисобланади. Бутун дунё Имом Муслимни мазкур асари орқали танийди ва эътироф этади. Бу асар ҳақли равишда «Саҳиҳул Бухорий»дан кейинги ўринни эгаллаган ва асрлар оша уламоларнинг

диққат марказида бўлган.

Китобда ҳадисларнинг арабча матни ҳам келтирилган бўлиб, улар кўпчилик мутахассислар тарафидан энг ишончли деб эътироф этилган «Тавқун-нажот» нашри асосида тайёрланди.

«Олтин силсила» тўплами таркибига кирувчи «Саҳиҳи Муслим» асарининг таржимаси, таҳрири, изоҳлари, маслаҳатлари ва нашрдаги иштирокчилардан Аллоҳ таоло рози бўлсин ва ажрларини кўпайтириб берсин!

Эслатиб ўтамиз, «Hilol-nashr» жамоаси ўтган йили «Олтин силсила» туркумида буюк муҳаддис имом Бухорийнинг «Саҳиҳул Бухорий» тўпламини саккиз жумда тўлиқ нашрдан чиқаришга муваффақ бўлган эди.

Islom.uz портали таҳририяти